



**რეგიონული განვითარებისა და
ინფრასტრუქტურის სამინისტრო**

აღ. ყაზბეგის გამზ. N12
0160, თბილისი, საქართველო
+995 32 277 90 90
Letters@mrdi.gov.ge

26 ივლისი 2024



MRDI N 01/1438

**საქართველოს გარემოს დაცვისა და სოფლის მეურნეობის სამინისტროს
საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტროს**

გაცნობებთ, რომ „მაღალმთიანი რეგიონების განვითარების შესახებ“ საქართველოს კანონის მე-7 მუხლის პირველი პუნქტის „ა“ ქვეპუნქტის საფუძველზე, საქართველოს რეგიონული განვითარებისა და ინფრასტრუქტურის სამინისტროს კოორდინაციით შემუშავდა „საქართველოს მაღალმთიანი დასახლებების განვითარების სტრატეგიის 2024-2030“ პროექტი. „გარემოსდაცვითი შეფასების კოდექსის“ მე-20 მუხლის მე-3 ნაწილის მიხედვით, სტრატეგიული დოკუმენტი, რომლის განხორციელებამ შესაძლოა მნიშვნელოვანი ზემოქმედება მოახდინოს გარემოსა და ადამიანის ჯანმრთელობაზე, ექვემდებარება სტრატეგიულ გარემოსდაცვით შეფასებას (შემდგომში სგშ). ამავე კოდექსის, მე-3 მუხლის „ზ“ ქვეპუნქტით განსაზღვრულია, რომ ადმინისტრაციული ორგანო ან სხვა უფლებამოსილი ორგანიზაცია, რომელიც შესაბამისი ნორმატიული აქტის თანახმად, პასუხისმგებელია სტრატეგიული დოკუმენტის მომზადებისთვის წარმოადგენს დამგეგმავ ორგანოს. მოცემულ შემთხვევაში, დამგეგმავი ორგანო საქართველოს რეგიონული განვითარებისა და ინფრასტრუქტურის სამინისტროა. ამავე კოდექსის, 20-ე მუხლის მე-6 ნაწილისა და 23-ე მუხლის პირველი, მეორე და მესამე ნაწილების შესაბამისად, თუ დამგეგმავი ორგანო მიიჩნევს, რომ სგშ-ის ჩატარება საჭირო არ არის, იგი უფლებამოსილია სგშ-ის ჩატარების საჭიროების განსაზღვრის მიზნით გამოიყენოს სკრინინგის პროცედურა, რომლის შედეგების მიხედვით ჩატარდება ან არ ჩატარდება სგშ. დამგეგმავი ორგანო უფლებამოსილია საქართველოს გარემოს დაცვისა და სოფლის მეურნეობის სამინისტროს მიმართოს სკრინინგის განცხადებით და წარუდგინოს სტრატეგიული დოკუმენტის კონცეფცია ან პროექტი (იგი უნდა მოიცავდეს მოკლე ინფორმაციას სტრატეგიული დოკუმენტით გათვალისწინებული მიზნების, ამოცანებისა და ღონისძიებების შესახებ). წარდგენილი სკრინინგის განცხადება უნდა მოიცავდეს ინფორმაციას სტრატეგიული დოკუმენტის განხორციელების არეალის (მათ შორის, ამ არეალში მცხოვრები მოსახლეობის) შესახებ, აგრეთვე ინფორმაციას გარემოსა და ადამიანის ჯანმრთელობაზე შესაძლო ზემოქმედების ხასიათის შესახებ. ზემოაღნიშნულიდან გამომდინარე გაცნობებთ, რომ „საქართველოს მაღალმთიანი დასახლებების განვითარების სტრატეგია 2024-2030“ პროექტის გრძელვადიანი ხედვაა, რომ მაღალმთიან დასახლებებში ცხოვრება და მუშაობა გახდეს უფრო მიმზიდველი, განსაკუთრებით ახალგაზრდებისა და სამუშაო ასაკის მოსახლეობისთვის, ამასთანავე, დროთა განმავლობაში შემცირდეს სოციალურ-ეკონომიკური უთანაბრობები როგორც მაღალმთიან და არამაღალმთიან მუნიციპალიტეტებს შორის, ისე მაღალმთიან მუნიციპალიტეტებსა და საშუალო ეროვნულ მაჩვენებლებს შორის. სტრატეგიით დასახული ხედვის მისაღწევად, სექტორული პრიორიტეტების მიხედვით მიზნები და ამოცანები ჩამოყალიბდა მაღალმთიანი დასახლებებისა და მათ გარშემო არსებული სიტუაციის ანალიზის შედეგად გაკეთებული დასკვნების საფუძველზე.

აღნიშნული მიდგომის საფუძველზე, 3 სექტორული პრიორიტეტის მიხედვით დასახულია სამი მიზანი და ჩამოყალიბებულია 8 ამოცანა. კერძოდ, პირველი მიზანი - მაღალმთიან დასახლებებში სამუშაო ადგილების შექმნა ადგილობრივი ეკონომიკის დივერსიფიკაციის გზით მიიღწევა ორი ამოცანის შესრულებით: ამოცანა 1.1. მაღალმთიან დასახლებებში მიკრო, მცირე და საშუალო მეწარმეობის მხარდაჭერა, განსაკუთრებით ახალგაზრდებს შორის და ამოცანა 1.2. გადამამუშავებელი სექტორის, მთის ნიშური პროდუქციის წარმოების და ტურიზმის მხარდაჭერა

მეორე მიზანი - მაღალმთიან დასახლებებში ეკონომიკის სტიმულირებაზე და ცხოვრების ხარისხის ამაღლებაზე ორიენტირებული საჯარო ინფრასტრუქტურის განვითარება მიიღწევა სამი ამოცანის შესრულებით: ამოცანა 2.1. მაღალმთიან დასახლებებში ბიზნესის და მოსახლეობის ცხოვრების ხარისხის ამაღლების ხელშეწყობი ინფრასტრუქტურის გაუმჯობესება, ამოცანა 2.2. მაღალმთიანი დასახლებების, განსაკუთრებით ისტორიული მხარეების უნიკალური ტურისტული პოტენციალის განვითარების ხელშეწყობა და ამოცანა 2.3. მაღალმთიან დასახლებებში ბუნებრივი რესურსების მდგრადი მართვის და გარემოსდაცვითი ინფრასტრუქტურის გაუმჯობესების ხელშეწყობა.

მესამე მიზანი - მაღალმთიანი დასახლებების მაცხოვრებლებისთვის სერვისებზე ხელმისაწვდომობის გაუმჯობესება მიიღწევა სამი ამოცანის შესრულებით: ამოცანა 3.1. მაღალმთიან დასახლებებში განათლების ხელმისაწვდომობის გაზრდა, პროფესიული და არაფორმალური განათლების განვითარება, ამოცანა 3.2. პირველადი ჯანდაცვის განვითარება და სოციალურ სერვისებზე ხელმისაწვდომობის გაუმჯობესება, ამოცანა 3.3. ტერიტორიული მარკეტინგის გზით მთაში ცხოვრებისა და მუშაობის პოპულარიზაცია.


„გარემოსდაცვით შეფასების კოდექსის“ მე-20 მუხლის მე-4 პუნქტში აღნიშნულია, რომ სგმ-ის ჩატარება სავალდებულოა იმ სტრატეგიული დოკუმენტისთვის, რომელიც შემდეგ სექტორებში ადგენს სამომავლო განვითარების ჩარჩოს საქმიანობებისათვის: სოფლის მეურნეობა; ბ) სატყეო მეურნეობა; გ) თევზჭერა; დ) ენერჯეტიკა; ე) მრეწველობა; ვ) ტრანსპორტი; ზ) ნარჩენების მართვა; თ) წყლის რესურსების მართვა; ი) ელექტრონული კომუნიკაციები; კ) ტურიზმი; ლ) დაგეგმარება და სივრცითი მოწყობა. როგორც აღინიშნა, სტრატეგიის პროექტი ითვალისწინებს, ტურიზმის, სოფლის მეურნეობის მხარდაჭერას, საგზაო ინფრასტრუქტურის მოწყობას, კომუნალურ და საკომუნიკაციო სერვისების ხელმისაწვდომობას, მაგრამ აღსანიშნავია, რომ სტრატეგიით განსაზღვრულია მხოლოდ ზოგადი მიზნები და ამოცანები და ის არ ადგენს კონკრეტულ პროექტს, აქტივობას, რომელიც ზეგავლენას მოახდენს გარემოსა და ადამიანის ჯანმრთელობაზე. რაც შეეხება „გარემოსდაცვითი შეფასების კოდექსის“ 23-ე მუხლის მე-6 ნაწილის ქვეპუნქტებით გათვალისწინებულ კრიტერიუმებს, ამასთან დაკავშირებით მოგახსენებთ შემდეგს: ა) სტრატეგიული დოკუმენტის მახასიათებლები: ა.ა) სტრატეგიის მოქმედება ვრცელდება არა, რომელიმე კონკრეტულ ტერიტორიაზე, არამედ, ზოგადად, „მაღალმთიან დასახლებათა ნუსხის დამტკიცების შესახებ“ საქართველოს მთავრობის 2015 წლის 30 დეკემბრის N671 დადგენილებით განსაზღვრულ ყველა მაღალმთიან დასახლებაზე. ამდენად, „გარემოსდაცვითი შეფასების კოდექსის“ 23-ე მუხლის მე-6 ნაწილის „ა.ა“ ქვეპუნქტის საფუძველზე, შეუძლებელია დადგინდეს სტრატეგიული დოკუმენტით განსაზღვრული საქმიანობების კონკრეტული ადგილმდებარეობა, აგრეთვე, სტრატეგიული დოკუმენტით განსაზღვრული ამოცანების ფარგლებში თუ რა ტიპის და მოცულობის საქმიანობის განხორციელება გახდება საჭირო. ამასთანავე „საქართველოს მაღალმთიანი დასახლებების განვითარების სტრატეგია 2024-2030“ პროექტი არ ადგენს სამომავლო ჩარჩოს ბუნებრივი რესურსების განაწილების კუთხით განსაზღვრული საქმიანობისათვის. ა) სტრატეგიული დოკუმენტის მახასიათებლები: ა.ბ) - „მაღალმთიანი დასახლებების განვითარების სტრატეგიის 2024-2030“ პროექტით არ დგინდება სხვა გარემოსდაცვით სტრატეგიულ დოკუმენტებთან მიმართება. ა.გ) სტრატეგიული დოკუმენტის დანიშნულება გარემოსდაცვითი საკითხების ინტეგრირების თვალსაზრისით უმნიშვნელოა. ა.დ) სტრატეგიის პროექტში ზოგადად არის მითითებული გარემოს დაცვის და გარემოს დაბინძურებისაგან თავის არიდების აუცილებლობისა და მნიშვნელობის შესახებ. ბ) ზოგადი ინფორმაცია სტრატეგიული დოკუმენტით გათვალისწინებული ღონისძიებების ზემოქმედების ხასიათისა და ზემოქმედებისადმი დაქვემდებარებული

ტერიტორიის მახასიათებლების შესახებ: ბ.ა) სტრატეგიით არ დგინდება ჩარჩო პირობები, რომელსაც ექნება ტრანსასაზღვრო ზემოქმედების შესაძლებლობა. ბ.ბ) შეუძლებელია სტრატეგიის მიზნებიდან და ამოცანებიდან გამომდინარე დადგინდეს, გარემოსა და ადამიანის ჯანმრთელობაზე შესაძლო ზემოქმედების ხასიათი. ბ.გ) „მაღალმთიანი დასახლებების განვითარების სტრატეგიის 2024-2030“ პროექტში მითითებულია, რომ მაღალმთიანი დასახლებების განვითარებისადმი საჭიროა კომპლექსური, განსხვავებული მიდგომები მოსახლეობის სიმჭიდროვის, რელიეფის დახრილობის, სასოფლო სამეურნეო მიწების სიმცირის, მიწისა და ადამიანური რესურსების თანაფარდობის მაჩვენებლის, ბუნებრივი კატასტროფებისადმი მოწყვლადობის მიხედვით. ასევე, მაღალმთიანი დასახლებები გამოირჩევა კულტურული მემკვიდრეობის, ისტორიული, არქეოლოგიური და ბუნებრივი ძეგლების სიმრავლით, მრავალფეროვანი ლანდშაფტით. მაღალმთიანი რეგიონებისათვის დაცული ტერიტორიების შედარებით დიდი და მზარდი ფართობი ძლიერი მხარეა. დოკუმენტის პროექტი არ განსაზღვრავს რაიმე ღონისძიებას, რომელიც უარყოფით ზეგავლენას მოახდენს კულტურული მემკვიდრეობის ძეგლების თვითმყოფადობის შენარჩუნებაზე ან დაცული ტერიტორიების მართვაზე. ზემოაღნიშნულიდან გამომდინარე, გთხოვთ, განიხილოთ სკრინინგის შესახებ ჩვენი განცხადება და „გარემოსდაცვითი შეფასების კოდექსის“ 23-ე მუხლის მე-5 ნაწილის შესაბამისად, კანონით დადგენილ უმოკლეს ვადაში მიიღოთ გადაწყვეტილება, „საქართველოს მაღალმთიანი დასახლებების განვითარების სტრატეგია 2024-2030“ პროექტის სტრატეგიული გარემოსდაცვითი შეფასების დაქვემდებარება/არ დაქვემდებარების თაობაზე.

წინასწარ მადლობას გიხდით თანამშრომლობისათვის.

დანართი: 59 (ორმოცდაცხრამეტი) გვერდი და 1 Excel ფაილი.

მზია გიორგობიანი



მინისტრის მოადგილე

